

Magtanong sa iyong mga guro ng angkop na mga katanungan, makinig nang mabuti at umintindi. huwag kang sasabat habang siya ay nagsasalita. huwag magtanong ng katanungan upang subukin siya o makipagtalo. Kung may makita ka mang pagkukulang sa inyong guro, alamin mo na ang pagiging ganap at perpekto ay para lamang sa Allāh .

(C) ANG KARAPATAN NG LUGAR KUNG SAAN NAG-AARAL DITO:

Igalang ang lugar kung saan ka nag-aaral, ito man ay sa loob ng unibersidad, silid-aralan, at lalo na sa loob ng Masjid. Iwasan na magkalat sa loob nito, at pangalagaan ang mga kagamitan tulad ng mga upuan, lamesa, at iba pa. panatilihing malinis ang lugar kung saan nag-aaral.

Kung sa Masjid nag-aaral, Mabuti na mag-alay ng dalawang Rak'ah na Tahiyāt Al-Masjid sa tuwing papasok dito, iwasan na pag-usapan ang mga makamundong usapin, at iwasan ang paninirang puri, at panatilihing malinis ito.

(D) ANG KARAPATAN NG MGA KAPWA MAG-AARAL:

Sinabi ng Allāh: *((Kayo, O sambayanan ni Muhammad, ang pinakamabuti sa lahat ng mga sambayanan, at higit na kapaki-pakinabang sa mga tao))* [3:110], At sinabi ng Sugo ng Allāh -Sallallahu Alayhi Wa Sallam : *(hindi magiging ganap ang Iman ng isa sa inyo, hanggat ibigini niya para sa kanyang kapwa, ang mga bagay na iniibig niya para sa kanyang sarili)* [Hadīth].

(E) ANG KARAPATAN NG AKLAT:

Dapat itong pangalagaan at ingatan; dahil ito ay biyaya para sa atin mula sa Allāh , kaya naman marapat na ingatan ito.

(F) ANG KARAPATAN NG KAALAMAN:

Ang pagpapahusay sa kaalaman at palagiang pagbabalik tanaw, at pagsasabuhay nito; dahil ito ay obligado sa lahat ng napagkalooban ng kaalaman na sila ay magsabuhay sa kanilang kaalaman, at pagkatapos ay ipabahagi ito sa iba at ipalaganap; dahil ito ay isang biyaya, marapat lamang na magpasalamat tayo.

4

[2] KABILANG SA MGA KAASALAN NG PAGTATANONG: MAGTANONG SA MGA BAGAY NA MAYROONG PAKINABANG AT KABUTIHAN.

3] MARAPAT SA ISANG NAGHAHANAP NG KAALAMAN, ANG PANGALAGAAN NIYA ANG KANYANG HITSURA NA MAGING MABUTI.

[4] PAGKATAPOS NG PAGPANAW NG MAHAL NA PROPETA MUHAMMAD (SALLALLAHU ALAYHI WA SALAM), HINDI NA MAAARI PANG SABIHIN ANG: "ALLĀHU WA RASŪLUHU A'ALAM" O ANG ALLĀH AT KANYANG SUGO ANG NAKAKAALAM, BAGKUS SABIHIN ANG "ALLĀHU A'LAM", O ANG ALLĀH ANG LUBOS NA NAKAKAALAM LAMANG.



 alsarhaan.com

 [haytham_sarhan](https://www.instagram.com/haytham_sarhan)

 sarhaan.com

 mahadsunnah.com/ar

5

آداب طالب العلم
من حديث جبريل
عليه السلام

MGA KAASALAN NG ISANG NAGHAHANAP NG KAALAMAN MULA SA HADITH NI JIBRIL ALAYHIS SALAM

INIHANDA NI:
SHAYKH DR. HAYTHAM BIN MUHAMMAD SARHAN
Dating Guro sa Mahad Haram sa Masjid Nabawiy at Tagapangasiwa ng Mahad Sunnah

ISINALIN SA WIKANG FILIPINO NI:
ABU IBRAHEEM AL-HAFEYZ BAUTISTA



“Ang isang tao na may kaalaman subalit hindi niya ito isinabuhay, Una siyang parurusahan bago ang mga sumasamba sa mga diyus-diyosan”

بالغة الغلبنية

Hadīth ni Jibrīl (Alayhis Salam);

Ayon kay 'Umar -Radhiyallahu Anhu-, na nagsabi: Isang araw habang kami ay nakaupo, dumating sa amin ang isang lalaki na nakaputing kasuotan at napaka-itim ng buhok na hindi makikitaan ng bakas ng paglalakbay, at wala ni isa man sa amin ang nakakikilala sa kanya, hangga't sa umupo siya sa harap ng Propeta, at ang tuhod niya ay nakatapat sa tuhod ng Propeta at ipinatong niya ang kanyang palad sa hita ng Propeta at sinabi: "O Muhammad, sabihin mo sa akin ang hinggil sa Islām", at sinabi ng Sugo ng Allāh -Sallallahu Alayhi Wa Sallam- : *(Ang Islām ay ang sumaksi ka na walang diyos na marapat sambahin maliban lamang sa Allāh at si Muhammad ay sugo ng Allāh at itayo mo ang Salāh, magbigay ka ng Zakāt, mag-ayuno ka sa buwan ng Ramadhān, at magsagawa ng Hājj tungo sa bahay ng Allāh kung may kakayanang kang gawin ito)*. At sinabi: "Ikaw ay tama". at kami ay nagulat sapagkat siya ay nagtanong at agad na naniwala sa Propeta. at sinabi muli, "sabihin mo sa akin ang hinggil sa Īmān": At sinabi ng Propeta -Sallallahu Alayhi Wa Sallam-: *(Ang Īmān, ito ang sumampalataya ka sa Allāh , sa mga anghel at sa mga aklat at sa mga sugo at sa huling araw at sa tadhana; sa kabutihan at kasamaan nito)*. At sinabi: "Ikaw ay tama". at nagsabi muli: "Sabihin mo sa akin ang hinggil sa Ihsān", at nagsabi ng Propeta -Sallallahu Alayhi Wa Sallam- *(Ang Ihsān, ito ang sambahin mo ang Allāh na parang nakikita mo Siya at kung hindi mo siya nakikita, Tunay na siya ay nakikita ka niya)*. At sinabi muli: "Sabihin mo sa akin ang hinggil sa Oras", sinabi ng Propeta -Sallallahu Alayhi Wa Sallam-: *(Ang nagtatanong ay siyang mas maalam sa tinatanong)* At sinabi muli, "sabihin mo sa akin ang hinggil sa mga tanda nito", at sinabi ng Propeta, *(Kapag ang aliping babae ay nanganak mula sa kanyang amo at makikita mo ang mga nakapaa, nakahubad, at mga Ā'lah [dukha] at mga pastolero na nagpapaligsahan sa pagpapataasan ng gusali)*. At ang lalaki iyon ay umalis, at ako ay naiwan at sinabi ng Propeta -Sallallahu Alayhi Wa Sallam-, *(O 'Umar, kilala mo ba kung sino ang nagtanong na iyon?)* Ang sabi ko, ang Allāh at ang Kanyang Sugo ang nakaaalam, at sinabi ng Propeta: *(Tunay na siya ay si Jibrīl na dumating sa inyo upang ituro ang inyong relihiyon)*. [Bukhari & Muslim]

1

[1] ANG ANIM NA KARAPATAN NA MARAPAT ISAKATUPARAN NG ISANG MAG-AARAL NG KAALAMAN:

- (a) karapatan para sa kanyang sarili,
- (b) karapatan para sa kanyang guro,
- (c) karapatan ng lugar kung saan siya nag-aaral,
- (d) karapatan ng mga kapwa mag-aaral,
- (e) karapatan ng aklat,
- (f) karapatan ng mismong kaalaman.

A) KARAPATAN NG KANYANG SARILI:

Ang kaalaman ay isang uri ng pagsamba (Al-Ikhlās at Al-Mutāba'ah), maging isang totoong tagasunod ng Salaf, magkaroon ng Al-khasyah at Taqwa, maging mapagkumbaba at lumayo sa pagmamalaki at pagmamayabang. Maging kuntento, at iwanan ang makamundong bagay, magtaglay ng palamuti ng kaalaman, magkaroon ng mabuting kaasalan, at maging masaya sa pagkakaroon ng katapangan, at iwanan ang pagkamaluh.

Tumalikod sa mga walang pakinabang na pagtitipon, at magtaglay ng kabutihan, at magkaroon ng katiyakan at katibayan. Magkaroon ng mataas na layunin sa paghahanap ng kaalaman, at maglakbay tungo sa paghahanap ng kaalaman, at isulat ang mga nakalap na kaalaman, at pangalagaan ito, at magkaroon ng palagiang pagbabalik-tanaw sa mga kaalamang nakalap.

Magkaroon ng pag-unawa sa Deen sa pamamagitan ng pagkuha ng sangay nito mula sa kanyang ugat. At palaging humingi ng kalinga sa Allāh, maging isang mapagkakatiwalaan sa kaalaman at maging makatotohanan.

Ang pananggalang ng isang naghahanap ng kaalaman ay ang katagang: (Lā Adrī) o ang sabihin "hindi ko alam" sa mga katanungan na hindi mo alam, at pangalagaan ang oras at panahon, pagtutuwid sa pagbabasa at paglayo sa mga malalalim ng aklat.

Ang mabuting pagtatanong, pakikinig, pag-unawa at paggawa, mabuting pakikipagtalakayan na walang halong bangayan, at muling pag-aaral sa mga napag-aralang kaalaman.

2

Mangyari na palaging panghawakan ang Qurān at Sunnah at mga kaalaman mula rito, at pagganap sa mga pamamaraan sa bawat larangan.

Itaguyod ang pagsasabuhay sa kaalaman, pag-iwas sa pagnanais na pangingibabaw sa iba at pagpapasikat, katanyagan at makamundong bagay, masamang akala sa sarili at maging mabuti sa mga tao.

Ang Zakāh ng kaalaman: Ang pakikipaglaban para sa katotohanan, pag-uutos ng kabutihan at pagbabawal ng kasamaan, karunungan sa pagtimbang sa pagitan ng makabubuti at makasasama, pagpapalaganap ng kaalaman at pagmamahal sa pagbibigay pakinabang sa iba, pagsisikap sa katayuan at mabuting tagapamagitan para mga kamusliman sa katotohan at kabutihan.

Ang karangalan ay ang pagbibigay ng proteksyon sa kaalaman, mabuting pakikisama ayon sa batas ng Islam, iwanan ang pagmamagaling, iwanan ang panghihimasok sa bagay na hindi mo larangan.

Humawak sa isang naaangkop na tindig o katayuan patungkol sa pagkakamali ng maalam, at sa pagsasalungat nila, itakwil ang mga Shubuhāt o pagdududa, at huwag maging panatiko sa mga pangkat at partido na kung saan ay magiging kasama ang isa at iiwas sa iba. huwag ibase ang iyong katapatan sa mga personalidad sa halip ay magmahal at mamuhi sa kapakanan ng Allāh lamang.

(B) ANG KARAPATAN NG GURO:

Ang mga tao sa usapin na ito ay nababahagi sa tatlo; dalawa sa magkabilang panig at isa sa gitna. At ating mapag-aaralan, na ang kauna-unahan pagtatambal sa Allāh na nangyari sa mundong ito ay dahil sa pagmamalabis sa pagmamahal sa mga matutuwid na tao, kaya naman marapat tayo na maging nasa gitna lamang sa pagmamahal sa mga matutuwid na tao, na walang pagmamalabis at walang pagkukulang.

Huwag maliitin ang kanilang mga karapatan at katayuan; ipagtanggol sila sa katotohanan; manatiling katamtaman at bigyan sila ng nararapat na karapatan, dahil sila ang mga tagapagmana ng mga propeta.

3